

[Vah bouxbien] Vangz Cinzsinh dwg Vujsenh Yen Sinhlungz Siujyoz hagseng, dwg hag Sawcuengh biubing. Youq mwh genj bae Gvangjsih Daihseiq Gaiq Daengx Gih Siujhagseng Gangj Gojgaeq Biucinj Vahcuengh Doxdax, de caeuq baengzyoux ndei Veih Yiyez. Liu Gyahcing caez ndaej genjhnj. Mwhde lauxsae mbouj daezhawj gojgaeq hawj gyoengqde. Vangz Cinzsinh couh gag daezok youz de daeuj sij gojgaeq camgya doxdax. Vangz Cinzsinh gag bien gojgaeq gag baizlien, youq ndaw doxdax, Vangz Cinzsinh ndaejdaengz ngeih daengj ciengj, Veiz Yiyez caeuq Liuz Gyahcing gangj aen gojgaeq Vangz Cinzsinh sij haenx hix faenbied ndaejdaengz sam daengj ciengj. Youq geizneix caeuq geizlaeng youq banj neix baenbied daengh ok sam bien gojgaeq Vangz Cinzsinh sij haenx.



▲ Vangz Cinzsinh camgya Gvangjsij Gaiq Daihseiq Siujhagseng Gangj Gojgaeq Biucinj Vahcuengh Doxdax.

Goj Luzgeu

阿巧的故事

武宣县桐岭镇新龙小学六(二)班 黄晨馨

Ciuhgonq, miz boux vunz ndeu, heuhguh Luzgeu, ranz de gig hoj, hoeng, de gig coengmingz. Miz boux vunzfouq he, de miz sam dah lwgsau, miz dah he raen Luzgeu coengmingz, couh haq hawj de, song dahcej couh haq hawj bouxvunz ranz miz ngaenz.

Miz ngoenz ndeu haetcaeux, Luzgeu bae ranz yahdaiq guhcaemz, seizneix, yahdaiq de cingq youq ndaw cauq mienh cawj haeux mienh saz ceiz. Luzgeu baez byaij daengz bakdou couh daihsing hemq: “Yahdaiq, gou ma lo! Ndaej gwn haeux caengz?” Yahdaiq baez dingq, ndawsim gag ngeix: Mwngez lwg fangz neix, caeux mbouj ma ceiz mbouj ma, bienbien ngoenzneix gou saz ceiz, mwngez couh ma, bouxlazwz mbouj rox mwngez siengj

gwn ceiz gou! Hoeng, siengj gwn ceiz gou, mwngez loq fangzhwnz bae ba! Hoeng, Luzgeu youq rog gaenq nyaeuq daengz heiq saz ceiz. De couh byaij haeuj ndaw ranzcauq bae, riunyumnyum dwk lwnh yahdaiq: “Yahdaiq, ngoenzneix gou dauqma seiz yawjraen miz vunz dawz duzma ndeu daeuj rauqnaz!” Yahdaiq mbouj rox Luzgeu yaeuh de, couh geizheih dwk cam de: Dwg caen ha? Duzma baenzlawz rauq ndaej naz? Mwngez hag hawj gou yawjyawj!” Luzgeu baez dingq, ndawsim gag angq, couh dawz diuz faexdeuq daeuj youq ndaw daeuh “cae”, yahdaiq raen le, lau dwk hemq hwnjdaeuq: “Mbouj! Mbouj! Mbouj ‘cae’ lo! Gou cingq youq ndaw saz ceiz ne!” Luzgeu baez dingq,

riuhaha naeuz: “Rauqnaz ndaej gwn haeux, cae daeuh ndaej gwn ceiz.”

Gienh saeh neix gvaq le mbouj geij nanz couh gvaq cieng lo. Mwh ndaw cieng bae ranzdaiq, Luzgeu dwg byaij loh bae, lingh song lwggwiz dwg gwih max bae. Gwn caeuz sat baiqninz lo. Yahdaiq couh dawz fancien caeuq moegdenz daeuj hawj song boux lwggwiz fouq ninz, hoeng, Luzgeu cix ninz youq ndaw mbonq-fiengz, Luzgeu yied siengj yied hozndat, yahdaiq baenzlawz baenzneix yawj mbouj hwnj bouxgunz da? De ngeix le ngeix, ngeix ndaej aen geiqmaeuz ndeu okdaeuj. Byongh-hwnz, de laeglemx hwnjdaeuq, ndonj haeuj ndaw rienghmax bae, dawz rieng song duz max doxcug hwnjdaeuq, song duz max neix sikhaek doxdik lo, de couh buet dauqma, lwnh song lwggwiz haenx: “Mbouj ndei lo! Mbouj ndei lo! Max sou doxdik lo!” Song lwggwiz haenx baez dingq, couh gipmuengz buet bae yawj, Luzgeu couh ndonj haeuj ndaw denz bae ok

haex. Dang song lwggwiz haenx dauqma ninz seiz, nyouq raen haeu, hainduj cungj lai hoiqfueng ok roet, hoeng, dang gyoengqde hwnjdaeuq yawj seiz, fatyienh ndaw denz miz haex, gyoengqde cungj mbouj ndei eiqseiq, youq byonghhwnz deuz ma lo.

Ngoenz daihngaih haetromh, yahdaiq mhauj raen gyoengqde hwnq-daeuj, bae yawj, raen gwnz mbonq fancien moegdenz cungj dwg haex, hozndat ndaej mbouj rox baenzlawz gangj. Cingq youq seizneix, Luzgeu couh doiq de gangj: “Mbouj yungh ndaej lo, hawj gou dawz bae laj dah coemh ba?” Yahdaiq ngeix hix mbouj ngeix couh dapwngq lo. Luzgeu bae daengz henz dah, couh dawz nywj caeuq fiengz gyoeb hwnjdaeuq coemh, gij hoenz gig hung, yahdaiq youq ranz cungj yawj ndaej raen, ndawsim gag naeuz: Lwg fangz neix caen dwg dawz bae coemh lo. Hoeng, de mbouj rox, luzgeu gaenq dawz cien caeuq denz swiq seuq rap ma ranz lo.

(指导老师 龙庆煜)



▲ Vangz Cinzsinh(swx) caeuq baengz-youx ndei Liu Gyahcing (gyang), Veiz Yiyez (gvaz).

Ciuhgonq, miz boux vuengzdaeq ndeu, de miz sam boux lwg, lwghung caeuq lwg daihngaih cungj gig coengmingz, hoeng, lwg daihsam, vunz lauxsaed, daihgya cungj heuh de bouxhuk.

Vuengzdaeq laux lo, siengj aeu lwg he daeuj naengh vih de, couh doiq sam boux lwg naeuz: “Sou sam boux neix, boux lawz ndaej daengz fan damj ceiq gyaundeih he gyau hawj gou, bouxde couh ndaej dang vuengz.”

Gangj sat couh dawz sam diuz bwn boq le boq, ciepdwk gangj: “Sam diuz bwn neix gak mbin bae gizlawz, sou couh byaij coh gizde.”

Sam Diuz Bwn

三根羽毛

武宣县桐岭镇新龙小学六(二)班 黄晨馨

Diuz daih’ it yiengq baihoeng mbin, lwghung couh yiengq baihoeng byaij bae; diuz daihngaih yiengq baihsae mbin, lwg daihngaih couh yiengq baihsae byaij bae lo; diuz daihsam yiengq baihnaj mbin le mbouj geij nanz couh doek roengzdaeuq lo.

Bouxhuk byaij daengz giz bwn doek haenx, yawjraen henz diuzbwn miz aen bakdou he.

De hai bakdou, fatyienh miz aen congh he, youh miz aenlae doeng daengz baihlaj, de couh riengz aenlae byaij roengz laj bae, yawjraen miz haujlai goepsou lwg, ndawde miz duz goepsou hung bizbwd bwd ndeu. Goepsou hung cam de siengj aeu gijmaz doxgaiq, de naeuz siengj aeu fan damj ceiq gyaundeih he.

Goepsou hung hemq gyoengq goepsou iq dawz daeuj aen hab hung he, daj ndaw dawz ok fan damj gig gyaundeih he.

Song daeg go de cungj nyinhnaeuz daegnuengx de huk lai, gijmaz doxgaiq hix ra mbouj ndaej. Gyoengqde cungj mbouj siengj ok gijmaz rengz, couh hixnaengz duet vaqbuh roengzdaeuq, dawz

dauqma hawj vuengzdaeq lo, daegnuengx huk cix dawz fandamj ceiq gyaundeih he gyau hawj vuengz-daeq.

“Ciuq gyidingh wngdang hawj nuengx iq daeuj dang vuengz.” Vuengzdaeq gangj. Hoeng song boux daeggo de couh doxceng hwnjdaeuq, cungj naeuz nuengxhuk de mbouj miz maz bonjsaeh, naengh mbouj ndaej vuengzvih, cungj heuh vuengzdaeq caiq ok diuz daez ndeu. Vuengzdaeq mbouj miz banhfap, couh naeuz: “Sou sam beixnuengx byawz aeu ndaej aen haedfwngz ceiq gyau he okdaeuj, byawz couh nbaej dang vuengz.” Gangj sat, de ciuqyiengh boq sam diuz bwn daeuj gietdingh byawz yiengq mbiengj lawz byaij bae.

Diuz bwn nuengxhuk youh doek youq dieg gaeuq, de couh byaij roengz laj bae, duz goepsou hung aeu aen haedfwngz ceiq gyaundeih he hawj de. Hoeng song daeg go de, cij ra ndaej aen giendiet he dang haedfwngz gyau hawj vuengzdaeq. Vuengzdaeq couh hawj nuengxhuk dang vuengz lo.

(指导老师 龙庆煜)